

нем же падет — сотрьет его. И от сего яве есть: яко исчезновение твое вскоре варяет, понеже пал еси на церковь, яко волна о камень и камня убо поколебатися не сотвориши, сам же в пены разсыплешися, и раточатся кости твоя при аде. И аще о тебе сия случатся, то како ми есть творца моего преобидети, тебе же послушати — точию погубити хотящаго. Помощи же и сам себе по мале не возможеш. Что мне приобретение во твоём всыновлении, создателя же в противлении, и прочее. Анафема ты и вси глаголи твои. Не имам ни единыя твоя воли сотворити, да не прелюбодей от господа моего осуждуся“. И таковая от добляго скверный слышав, вскоре убити его повелевает, тело же святое единомысленным псом повреши. И тако доблий страстотерпец, благоверный князь Феодор Георгиевич Резанский подвиг исповедания своего о Христе соверши — взыде на небеса. Презелный же православных враг и насытый крове пролиатель всех со святым пришедших от мала и до велика их мечеву в снедь сотвори в лето 6742-го, декабря в 1 день.

Един же от пестун Христова воина именем резански Ополонца едва спасение получи, вскоре побеже к пустынелюбней горлице благоверной княгине Евпраксии и вся поряду ей возвести. Тогда бо она в превысоцем своем тереме сядяше, на руках держаше сына своего суца младенца князя Иоанна, и слышавши сия, абие вержесе ис храма того на землю купно и с сыном своим, да не осквернит мерский благородныя чистоты ея. И тако закон божий сохранше, и сего ради смертию живот получивше и вместо земнаго княжения небесное царствие восприяша по проречению вселенскаго молитвенника и чудотворца. И от сея вины именуется град той Зараск Резанский, понеже великая княгиня с сыном своим заразися. Отстоит же от града Переаславля 50 верст град той.

Слышав же о сих великий князь Георгий Игоревич, и многими слезами обливаясь кних в рыданиях речений не глагола: ведят бо о сих отцы чадолюбцы. Народи же великому князю вопияху, глаголюще еже нечестивым агаряном противитися, и по святых церквах умрети соизволяюще, точию благочестие глаголаху и веру во Христа сохранить. Великий же князь вскоре противу безбожных мужески ополчается, и изыдоша противу варвар. И бысть сражение велие, и божиим поущением одолеша христианом сквернообразнии, понеже тмы безчислены бяху, яко по тысящи агарян противу коегождо христианина. И ни един резанскаго войска в живых оста, но вси вкупе единовидну смерть подьяша и с великим своим князем Георгием Игоревичем. Аще и многое множество татар победиша, яко и самому скверному Батью велми от тех боятися и вострепетати. Тогда же и благоверный князь Олег Игоревич, — брат великаго князя Георгия — подобное анепсию своему святому князю Феодору Георгиевичю исповедание о Христе соверши и всюду мучителя облече доблестными своими речением, иже многоболезнено душу свою господеву предаде, ножи збоден скончася декабря в 9 день. И оттоле, огнем злобесия своего дыхая, поиде чрез землю Резанскую, тмо-